

LIGJI Nr. 06/L-008

PËR NDRYSHIMIN DHE PLOTËSIMIN E LIGJIT NR. 2004/26 PËR TRASHËGIMINË NË KOSOVË

Kuvendi i Republikës së Kosovës,

Në mbështetje të nenit 65 (1) të Kushtetutës së Republikës së Kosovës,

Miraton:

LIGJ PËR NDRYSHIMIN DHE PLOTËSIMIN E LIGJIT NR. 2004/26 PËR TRASHËGIMINË NË KOSOVË

Neni 1

Në Ligjin nr. 2004/26 për Trashëgiminë në Kosovë (në tekstin e mëtejshëm ligji), në nenin 1 paragrafit 1.3. të ligjit, pas fjalës “ Gjykata”, shtohet fjala “ apo noterit”.

Neni 2

Në tërë tekstin e ligjit, përjashtimisht neneve 1, paragrafi 1.3., neni 3 dhe 112, varësisht nga konteksti i fjalisë, pas fjalëve:

- 1.1. “Gjykata” shtohen fjalët “ apo noterit”;
- 1.2. “gjyqtari” shtohen fjalët “ apo noterit” ;
- 1.3. Gjyqësor shtohen fjalët “ apo noterit”;
- 1.4. “gjykatës” shtohen fjalët “ apo noterit”.

Neni 3

Në nenin 12 të ligjit, pas paragrafit 2. shtohet paragrafi i ri si vijon:

“12.3. nëse bashkëshorti pasjetues nuk ka objekt për banim ai mban të drejtën e tij të përdorë objektin banesor- martesor, në të cilin ka jetuar gjatë martesës, deri në vdekjen ose rimartesën e tij. Nëse objekti banesor shitet apo në ndonjë formë tjetër tjetërsohet, bashkëshortit pasjetues i sigurohet objekti i domosdoshëm i banimit.

Neni 4

Neni 28, paragrafi 1. të ligjit pika a. ndryshohet si në vijim:

“a. bashkëshorti jashtëmartesor deri në momentin e vdekjes së trashëgimlënësit ka zgjatur të paktën pesë (5) vjet, e nëse nga kjo marrëdhënie kanë lindur fëmijë – të paktën tri (3) vjet dhe”

Neni 5

Në nenin 76 paragrafi 1. i ligjit pas fjalës “gjykatës” fshihet fjala “kompetente”.

Neni 6

Në nenin 78 paragrafi 1. i ligjit pas fjalës “gjykatës” fshihet fjala “kompetente”.

Neni 7

Në nenin 106 paragrafi 1. të ligjit pas fjalës “gjykatës” fshihet fjala “trashëgimore”.

Neni 8

Në nenin 128 paragrafi 2. i ligjit pas fjalës “gjykata” fshihet fjala “trashëgimore”.

Neni 9

1. Në nenin 130 paragrafi 1. i ligjit pas fjalës “**gjykatës**” shtohen fjalët “**apo noterit**”.

2. Në nenin 130 paragrafi 3. të ligjit ndryshohet si në vijim:

130.3. Në qoftë se pasardhësit janë të mitur për këtë heqje dorë, nevojitet leja e organit të kujdestarisë.

Neni 10

Neni 138 fshihet.

Hyrja në fuqi

Ky ligj hyn në fuqi pesëmbëdhjetë (15) ditë pas publikimit në Gazetën Zyrtare të Republikës së Kosovës.

Ligji Nr. 06/L-008

23 nëntor 2018

Shpallur me dekretin Nr. DL-064-2018, datë 13.12. 2018 nga Presidenti i Republikës së Kosovës Hashim Thaçi